

საქართველოს მოსამართლეთა XX რიგგარეშე კონფერენცია



2017 წელი

8 აპრილი, 2017 წელი

მართლმსაჯულების სახლი
(მის: ქ. თბილისი, ნოდარ ბოხუას ქ. №19)

დღის წესრიგი

11:00 - 12:00 სთ. - რეგისტრაცია

1. 12:00 - 12:05 სთ.

კონფერენციის გახსნა და ადმინისტრაციული კომიტეტის თავმჯდომარის ლევან თევზაძის მიერ მოსამართლეთა ინფორმირება იუსტიციის უმაღლესი საბჭოს წევრების (პაატა სილაგაძე, ილონა თოდუა) და ადმინისტრაციული კომიტეტის წევრის (თეა ძიმისტარაშვილი) უფლებამოსილების შეწყვეტის თაობაზე.

2. 12:05-12:35 სთ.

„მართლმსაჯულების სტრატეგიისა და სამოქმედო გეგმის“ პროექტის პრეზენტაცია - საქართველოს უზენაესი სასამართლოს თავმჯდომარე - ქ-ნი ნინო გვენეტაძე.

3. 12:35 - 13:00 სთ.

„მოსამართლეთა კონფერენციის რეგლამენტში ცვლილებებისა და დამატებების შეტანის შესახებ“ პროექტის დამტკიცება (ღია კენჭისყრით, სიითი შემადგენლობის უმრავლესობით).

4. 13:00 – 13:10 სთ.

კანდიდატების დასახელება (საქართველოს იუსტიციის უმაღლესი საბჭოს იმ 2 (ორი) წევრის ვაკანტურ თანამდებობაზე, რომლებსაც „საერთო სასამართლოების შესახებ“ საქართველოს ორგანული კანონის 47-ე მუხლის მე-4 პუნქტის თანახმად, უფლება აქვს საბჭოს წევრის თანამდებობასთან ერთად ეკავოს სასამართლოს თავმჯდომარის, მისი პირველი მოადგილის ან მოადგილის ან სასამართლო კოლეგიის ან პალატის თავმჯდომარის თანამდებობა, კანდიდატად დასახელებულ უნდა იქნენ ის მოსამართლეები, რომლებსაც უკავიათ ასეთი თანამდებობები)

5. 13:10 - 13:30 სთ.

ხმის დამთვლელი კომისიის არჩევა 5 მოსამართლის შემადგენლობით (ღია კენჭისყრით, სხდომაზე დამსწრე წევრთა ხმების უმრავლესობით).

6. 13:30 - 15:00 სთ.

საქართველოს იუსტიციის უმაღლესი საბჭოს 2 (ორი) მოსამართლე წევრისა და ადმინისტრაციული კომიტეტის 1 (ერთი) წევრის არჩევა, I ტური - (ფარული კენჭისყრა, სხდომაზე დამსწრე წევრთა 2/3-ის უმრავლესობით).

7. 15:00 - 15:30 სთ. - სადილი.

8. 15:30 - 17:00 სთ.

საქართველოს იუსტიციის უმაღლესი საბჭოს 2 (ორი) მოსამართლე წევრისა და ადმინისტრაციული კომიტეტის 1 (ერთი) წევრის არჩევა, II ტური - (საჭიროების შემთხვევაში, ფარული კენჭისყრით, ხმების რაოდენობა არ უნდა იყოს საქართველოს მოსამართლეთა კონფერენციის სრული შემადგენლობის ხმათა 1/4-ზე ნაკლები)

შენიშვნა: თუ საქართველოს იუსტიციის უმაღლესი საბჭოს იმ 2 (ორი) წევრის თანამდებობაზე, რომლებსაც „საერთო სასამართლოების შესახებ“ საქართველოს ორგანული კანონის 47-ე მუხლის მე-4 პუნქტის თანახმად, უფლება აქვს საბჭოს წევრის თანამდებობასთან ერთად ეკავოს სასამართლოს თავმჯდომარის, მისი პირველი მოადგილის ან მოადგილის ან სასამართლო კოლეგიის ან პალატის თავმჯდომარის თანამდებობა, არ იქნა დასახელებული კანდიდატად, ან თუ კენჭისყრის შედეგად საჭირო რაოდენობის ხმები ვერ მიიღო რომელიმე კანდიდატმა, ვაკანტურ თანამდებობაზე შეიძლება აირჩეს მოსამართლე, რომელსაც არ უკავია ასეთი თანამდებობა. შესაბამისად, ტარდება განმეორებითი არჩევნები: I ტური - ფარული კენჭისყრით, სხდომაზე დამსწრე წევრთა 2/3-ის უმრავლესობით. II ტური - საჭიროების შემთხვევაში, ფარული კენჭისყრით, ხმების რაოდენობა არ უნდა იყოს საქართველოს მოსამართლეთა კონფერენციის სრული შემადგენლობის ხმათა 1/4-ზე ნაკლები.



საქართველოს მოსამართლეთა კონფერენცია

დადგენილება № 1

ქ. თბილისი

8 აპრილი, 2017 წ.

„საქართველოს იუსტიციის უმაღლესი საბჭოს წევრის არჩევის თაობაზე“ საქართველოს მოსამართლეთა კონფერენციის 2013 წლის 9 ივნისის №9 დადგენილების ძალადაკარგულად გამოცხადების შესახებ

„საერთო სასამართლოების შესახებ“ საქართველოს ორგანული კანონის 48-ე მუხლის პირველი პუნქტის „ა“ ქვეპუნქტისა და ამავე მუხლის მე-2 პუნქტის საფუძველზე, საქართველოს მოსამართლეთა კონფერენცია

ა დ გ ე ნ ს:

1. ცნობად იქნეს მიღებული საქართველოს იუსტიციის უმაღლესი საბჭოს წევრის - პაატა სილაგაძის მიერ წარმოდგენილი განცხადება იუსტიციის უმაღლესი საბჭოს წევრის თანამდებობიდან გათავისუფლების თაობაზე (დანართი: 1 ფურცელი).
2. ძალადაკარგულად გამოცხადდეს საქართველოს მოსამართლეთა კონფერენციის 2013 წლის 9 ივნისის №9 დადგენილება პაატა სილაგაძის იუსტიციის უმაღლესი საბჭოს წევრად არჩევის თაობაზე.
3. ეს დადგენილება ამოქმედდეს 2017 წლის 8 აპრილიდან.

ნინო გვენეტაძე

საქართველოს უზენაესი სასამართლოს თავმჯდომარე

საქართველოს იუსტიციის უმაღლესი საბჭოს თავმჯდომარეს
ქალბატონ ნინო გვენეტაძეს

ასლი: საქართველოს მოსამართლეთა კონფერენციას

საქართველოს იუსტიციის უმაღლესი საბჭოს წევრის
პაატა სილაგაძის


გ ა ნ ც ხ ა დ ე ბ ა

გთხოვთ, გამათავისუფლოთ საქართველოს იუსტიციის უმაღლესი საბჭოს წევრის
თანამდებობიდან.

პატივისცემით,

პაატა სილაგაძე

30.03.17.



საქართველოს მოსამართლეთა კონფერენციის ადმინისტრაციული კომიტეტი		
№ <u>4/02-17</u>	ფორსლაზის რაოდენობა <u>19</u>	
<u>30.03.17</u> თარიღი	<u>[Signature]</u> სტუმროვნა	<u>18:00</u> დრო



საქართველოს მოსამართლეთა კონფერენცია

დადგენილება № 2

ქ. თბილისი

8 აპრილი, 2017 წ.

„საერთო სასამართლოების შესახებ“ საქართველოს ორგანული კანონის 48-ე მუხლის პირველი პუნქტის „ვ“ ქვეპუნქტისა და ამავე მუხლის მე-2 პუნქტის საფუძველზე, საქართველოს მოსამართლეთა კონფერენცია

ა დ გ ე ნ ს:

1. ცნობად იქნეს მიღებული საქართველოს იუსტიციის უმაღლესი საბჭოს 2017 წლის 31 მარტის №1/38 გადაწყვეტილება, ილონა თოდუას თბილისის საქალაქო სასამართლოს მოსამართლის თანამდებობიდან გათავისუფლების შესახებ, სამოსამართლო უფლებამოსილების ვადის გასვლის გამო (დანართი: 1 ფურცელი).

2. ეს დადგენილება ამოქმედდეს საქართველოს იუსტიციის უმაღლესი საბჭოს 2017 წლის 31 მარტის №1/38 გადაწყვეტილების ძალაში შესვლის დღიდან.

ნინო გვენეტაძე

საქართველოს უზენაესი სასამართლოს თავმჯდომარე



საქართველოს იუსტიციის უმაღლესი საბჭო


ქ. თბილისი № 1/38

31 მარტი 2017 წ.

გ ა ლ ა წ ყ ვ ე ბ ი ლ ე ბ ა

**ი. თოდუას თბილისის საქალაქო სასამართლოს
მოსამართლის თანამდებობიდან გათავისუფლების შესახებ**

„საერთო სასამართლოების შესახებ“ საქართველოს ორგანული კანონის 43-ე მუხლის პირველი პუნქტის „ნ“ ქვეპუნქტის შესაბამისად იღონა თოდუა გათავისუფლდეს თბილისის საქალაქო სასამართლოს მოსამართლის თანამდებობიდან, უფლებამოსილების ვადის გასვლის გამო, 2017 წლის 2 აპრილიდან.



ნინო გვინეტაძე

საქართველოს უზენაესი სასამართლოს თავმჯდომარე
საქართველოს იუსტიციის უმაღლესი საბჭოს თავმჯდომარე



საქართველოს მოსამართლეთა კონფერენცია

დადგენილება № 3

ქ. თბილისი

8 აპრილი, 2017 წ.

„საქართველოს მოსამართლეთა კონფერენციის რეგლამენტში ცვლილებებისა და დამატებების შეტანის შესახებ“ პროექტის დამტკიცების თაობაზე

„საერთო სასამართლოების შესახებ“ საქართველოს ორგანული კანონის 63-ე, 66-ე მუხლებისა და საქართველოს მოსამართლეთა კონფერენციის რეგლამენტის მე-6 და 27-ე მუხლების საფუძველზე, საქართველოს მოსამართლეთა კონფერენცია

ა დ გ ე ნ ს:

1. დამტკიცდეს „საქართველოს მოსამართლეთა კონფერენციის რეგლამენტში ცვლილებებისა და დამატებების შეტანის შესახებ“ პროექტი თანდართული სახით (დანართი: 2 ფურცელი);

2. ეს დადგენილება ამოქმედდეს 2017 წლის 8 აპრილიდან.

ნინო გვენეტაძე

საქართველოს უზენაესი სასამართლოს თავმჯდომარე

„საქართველოს მოსამართლეთა კონფერენციის რეგლამენტში ცვლილების შეტანის შესახებ“

I. საქართველოს მოსამართლეთა კონფერენციის რეგლამენტში შეტანილ იქნეს შემდეგი ცვლილება:

1. მე-6 მუხლის:

ა) პირველი პუნქტის:

ა.ა) „გ“ ქვეპუნქტი ჩამოყალიბდეს შემდეგი რედაქციით:

„გ) ისმენს საქართველოს უზენაესი სასამართლოს თავმჯდომარისა და საერთო სასამართლოების დეპარტამენტის თავმჯდომარის ყოველწლიურ ანგარიშებს, ასევე, მოთხოვნის შემთხვევაში, მაგრამ წელიწადში ერთხელ მაინც - დამოუკიდებელი ინსპექტორის ანგარიშს გაწეული საქმიანობის შესახებ;“;

ა.ბ) „ზ“ ქვეპუნქტი ჩამოყალიბდეს შემდეგი რედაქციით:

„ზ) საქართველოს საერთო სასამართლოების მოსამართლეთა სადისციპლინო კოლეგიის წარდგინებით ამტკიცებს სადისციპლინო კოლეგიის საქმიანობის წესს;“;

ა.გ) „თ“ ქვეპუნქტის შემდეგ დაემატოს შემდეგი შინაარსის „ი“ ქვეპუნქტი:

„ი) უფლებამოსილია, სრული შემადგენლობის არანაკლებ 1/3-ით, შესაბამისი საფუძვლის არსებობისას, საქართველოს იუსტიციის უმაღლეს საბჭოს მიმართოს წინადადებით დამოუკიდებელი ინსპექტორის თანამდებობიდან გათავისუფლების თაობაზე.“;

ბ) მე-2 პუნქტი ჩამოყალიბდეს შემდეგი რედაქციით:

„2. კონფერენცია, დამსწრეთა ხმების უმრავლესობით, ირჩევს კონფერენციის ხმის დამთვლელ კომისიას 5 მოსამართლე წევრის შემადგენლობით, რომელიც თავის წევრთაგან ხმათა უმრავლესობით ირჩევს თავმჯდომარეს და მდივანს. ხმის დამთვლელი კომისია ხელმძღვანელობს და თვალყურს ადევნებს კენჭისყრის პროცესს და ითვლის კენჭისყრის შედეგებს.“;

გ) მე-6 პუნქტი ჩამოყალიბდეს შემდეგი რედაქციით:

„6. პირს, რომელსაც უკავია უზენაესი სასამართლოს სადისციპლინო პალატის ან საკვალიფიკაციო პალატის წევრის ან სასამართლოს თავმჯდომარის, მისი პირველი მოადგილის ან მოადგილის, სასამართლო კოლეგიის ან პალატის თავმჯდომარის თანამდებობა და კენჭს იყრის იმ წევრის თანამდებობაზე, რომელსაც არ აქვს უფლება, შეითავსოს რომელიმე ზემოთ აღნიშნული თანამდებობა, საბჭოს წევრად არჩევის შემთხვევაში უწყდება საბჭოს წევრის თანამდებობასთან შეუთავსებელ თანამდებობაზე ყოფნის უფლებამოსილება.“;

დ) მე-8 პუნქტი ჩამოყალიბდეს შემდეგი რედაქციით:

„8. კონფერენცია ცალკე უყრის კენჭს საქართველოს იუსტიციის უმაღლეს საბჭოს წევრობის კანდიდატებს იმ მოსამართლე წევრის თანამდებობაზე, რომელსაც „საერთო სასამართლოების შესახებ“ საქართველოს ორგანული კანონის 47-ე მუხლის მე-4 პუნქტის



თანახმად, აქვს უფლება, საბჭოს წევრის თანამდებობასთან ერთად ეკავოს სასამართლოს თავმჯდომარის, მისი პირველი მოადგილის ან მოადგილის ან სასამართლო კოლეგიის ან პალატის თავმჯდომარის თანამდებობა, და ცალკე უყრის კენჭს საქართველოს იუსტიციის უმაღლესი საბჭოს წევრობის კანდიდატებს იმ მოსამართლე წევრის თანამდებობაზე, რომელსაც არ აქვს უფლება, შეითავსოს რომელიმე აღნიშნული თანამდებობა.“;

ე) მე-11 პუნქტი ჩამოყალიბდეს შემდეგი რედაქციით:

„11. თუ იმ წევრის თანამდებობაზე, რომელსაც აქვს უფლება, შეითავსოს სასამართლოს თავმჯდომარის, მისი პირველი მოადგილის ან მოადგილის ან სასამართლო კოლეგიის ან პალატის თავმჯდომარის თანამდებობა, არჩევის მსურველთა რაოდენობა ასარჩევ პირთა რაოდენობაზე ნაკლებია, ან თუ კენჭისყრის შედეგად საჭირო რაოდენობის ხმები ასარჩევ პირთა რაოდენობაზე ნაკლებმა პირმა მიიღო, ვაკანტურ თანამდებობაზე შეიძლება აირჩეს პირი, რომელსაც არ უკავია სასამართლოს თავმჯდომარის, მისი პირველი მოადგილის ან მოადგილის ან სასამართლო კოლეგიის ან პალატის თავმჯდომარის თანამდებობა. თუ ხელახალი კენჭისყრის (მე-2 ტური) შედეგად ზემოაღნიშნული წევრის თანამდებობაზე დარჩა ვაკანტური ადგილი (ადგილები), ტარდება ხელახალი არჩევნები (პირველი და მე-2 ტური) იმ მოსამართლეებს შორის, რომელთაც არ უკავიათ სასამართლოს თავმჯდომარის, მისი პირველი მოადგილის ან მოადგილის ან სასამართლო კოლეგიის ან პალატის თავმჯდომარის თანამდებობა და დასახელებულნი იქნებიან კანდიდატად.“.

2. 24-ე მუხლის პირველი პუნქტი ჩამოყალიბდეს შემდეგი რედაქციით:

„1. დღის წესრიგის საკითხებს ადმინისტრაციულ კომიტეტს 'აცნობს კომიტეტის თავმჯდომარე, ხოლო მისი არყოფნის შემთხვევაში - სხდომის თავმჯდომარე.“.

3. 26⁵ მუხლის მე-2 პუნქტი ჩამოყალიბდეს შემდეგი რედაქციით:

„2. დაინტერესებულმა პირებმა კონფერენციის ჩატარებამდე ერთი დღით ადრე მანც უნდა გაიარონ აკრედიტაცია ადმინისტრაციული კომიტეტის სამდივნოში.“.

II. ეს ცვლილება ამოქმედდეს დამტკიცებისთანავე.





საქართველოს მოსამართლეთა კონფერენცია

დადგენილება № 4

ქ. თბილისი

8 აპრილი, 2017 წ.

საქართველოს იუსტიციის უმაღლესი საბჭოს წევრის

არჩევის თაობაზე

„საერთო სასამართლოების შესახებ“ საქართველოს ორგანული კანონის 65-ე მუხლის პირველი პუნქტის „ა“ ქვეპუნქტისა და საქართველოს მოსამართლეთა კონფერენციის რეგლამენტის მე-6 მუხლის შესაბამისად, საქართველოს მოსამართლეთა კონფერენცია

ადგენს:

1. საქართველოს იუსტიციის უმაღლესი საბჭოს წევრად არჩეულ იქნეს თბილისის საქალაქო სასამართლოს თავმჯდომარე გიორგი მიქაუტაძე.
2. ეს დადგენილება ამოქმედდეს 2017 წლის 8 აპრილიდან.

ნინო გვენეტაძე

საქართველოს უზენაესი სასამართლოს თავმჯდომარე



საქართველოს მოსამართლეთა კონფერენცია

დადგენილება № 5

ქ. თბილისი

8 აპრილი, 2017 წ.

საქართველოს იუსტიციის უმაღლესი საბჭოს წევრის

არჩევის თაობაზე

„საერთო სასამართლოების შესახებ“ საქართველოს ორგანული კანონის 65-ე მუხლის პირველი პუნქტის „ა“ ქვეპუნქტისა და საქართველოს მოსამართლეთა კონფერენციის რეგლამენტის მე-6 მუხლის შესაბამისად, საქართველოს მოსამართლეთა კონფერენცია

ა დ გ ე ნ ს:

1. საქართველოს იუსტიციის უმაღლესი საბჭოს წევრად არჩეულ იქნეს თბილისის საქალაქო სასამართლოს საგამოძიებო და წინასასამართლო სხდომის კოლეგიის თავმჯდომარე რევაზ ნადარაია.

2. ეს დადგენილება ამოქმედდეს 2017 წლის 8 აპრილიდან.

ნინო გვენეტაძე

საქართველოს უზენაესი სასამართლოს თავმჯდომარე



საქართველოს მოსამართლეთა კონფერენცია

დადგენილება № 6

ქ. თბილისი

8 აპრილი, 2017 წ.

საქართველოს მოსამართლეთა კონფერენციის ადმინისტრაციული კომიტეტის წევრის არჩევის თაობაზე

„საერთო სასამართლოების შესახებ“ საქართველოს ორგანული კანონის 64-ე მუხლის მე-3 პუნქტის, 65-ე მუხლის პირველი პუნქტის „ა“ ქვეპუნქტისა და საქართველოს მოსამართლეთა კონფერენციის რეგლამენტის მე-6 მუხლის პირველი პუნქტის „ა“ ქვეპუნქტის შესაბამისად, საქართველოს მოსამართლეთა კონფერენცია

ა დ გ ე ნ ს:

1. საქართველოს მოსამართლეთა კონფერენციის ადმინისტრაციული კომიტეტის წევრად არჩეულ იქნეს თბილისის სააპელაციო სასამართლოს მოსამართლე მერაბ ლომიძე.

2. ეს დადგენილება ამოქმედდეს 2017 წლის 8 აპრილიდან.

ნინო გვენეტაძე

საქართველოს უზენაესი სასამართლოს თავმჯდომარე